

四庫全書

集部

欽定四庫全書

集部

槎翁詩集卷八

詳校官鴻臚寺少卿臣梁景陽

中書<sub>臣</sub>劉源溥覆勘

總校官編修<sub>臣</sub>王燕緒

校對官學正<sub>臣</sub>陳木

謄錄監生<sub>臣</sub>孫祥鳳

欽定四庫全書

槎翁詩集卷八

明 劉嵩 撰

七言絕句

晚遊興福寺奉和從兄本泉韻

童童飛蓋出松蘿  
公子多情奈晚何  
灘下綠波濃似酒  
月明更擬棹船歌

過普覺寺訪青原定上人  
不遇

初聞伐竹登山去復道燒香渡嶺行晚入禪關渾不見  
雨華堂上檜風清

聞聞子與池魚為水所漂賦此以寬其意

忽聞秋水發龍灣野浪平翻竹沼間莫怪巨魚冒不得  
便隨龍去若為攀

登白石塘高峯三首

西北羣峰勢最雄雲霞倒影落塘中幾年却上岩前石  
坐看匡山出日紅

其二

仙人手可接飛鴻  
落日長天慘淡中  
贛水直流三百里  
越王臺下却如弓

其三

金華金華相望高  
城中秋樹見毫毛  
武山雲氣長來往  
只駕仙人皮與陶

題歐陽氏仲元墨梅

寫梅近說歐陽氏  
中有蘭亭筆意存  
昨日張家亭上見

金少卿八  
卷八  
令人忘却水東村

題梅圖為萬砵賦

千載梅仙不可招  
南昌宮觀草蕭蕭  
歲寒圖畫今初見  
依舊清風灑雪標

題文溪道院四首

白石蒼苔一逕荒  
烏啼仙館落花香  
新來抽得西林笋  
更比琅玕數尺長

其二

雨過池南綠漲肥。水沉香裊午風微。閒來自拾青松子。  
驚起梢頭獨鶴飛。

其三

桂花風定暮雲閒。夜靜江聲鶴未還。天上月明秋似水。  
時聞玉佩出松關。

其四

門對龍灣雪未消。亂山寒日思迢迢。道人神氣如春酒。  
自倚梅花品玉簫。

題萱草葵花圖

綠葉朱英春正稠  
丹心何事復忘憂  
西風別有葵花在  
猶戀餘暉照暮秋

承王子與伯仲枉顧敝廬不果迎候奉次留題  
二首

汛掃柴門出候君  
春泥野草綠紛紛  
寧知夜半山陰雪  
翻作江東日暮雲

其二



春日尋芳偶未回不知江上故人來  
歸來驚見留題處  
踏破林陰一片苔

題墨蘭

誰擢幽蘭寔道傍  
紫蕤綠葉迥蒼蒼  
托根不是渾無地  
已分真心到苑香

題散蘭圖  
花葉狼藉若採而棄之者有松枝竹  
葉雜之蓋戲墨也  
進士劉仲炯以示余因為賦  
此

曾向深山採蕙蘭  
佩紉未試忽春殘  
飄零亦有同心者  
莫作尋常鬪草看

偶閱胡思齋詩追憶故友范實夫李子翀

曾共雲邊看晚晴  
芙蓉峯下聽灘聲  
當時范李今何在  
愁向詩中見姓名

三月十日承辛侯好禮南赴臨汀  
艤舟寄詩而去

辛侯三月赴閩中  
細雨輕帆颺北風  
快閣磯頭不相見

獨留詩句上崆峒

題曾道士嶺後退居

雞栖茅屋青苔上  
犬吠白雲流水邊  
白髮老仙人不識  
草衣自種嶺西田

出西岩下寄蕭翀

雲岩西麓石林開  
便擬從君卜築來  
亂後有田誰種得  
好山過盡首空回

和答陳宜山居寄示四首

橫江清吹發參差無奈秋風寄遠思誰似高情閒不厭  
半年三度寄新詩

其二

石門細草落松花磊磊圓峯削翠瓜夜久風泉聽不盡  
獨看明月嚙流霞

其三

山人出洞歸來晚月上東厓一丈高貪着臨流看清影  
不知風露濕絺袍

其四

青山何日許為鄰  
愧爾東南漂泊人  
縱有桃源堪避世  
已無漁子解知津

和鍾廷方韻贈其弟廷享南歸

白羊南雞山木幽  
二十年前曾此遊  
東渡迴溪三十六  
亂山元自不通舟

其二

知君伯仲舊名家  
學海新瀾未有涯  
歸到岩前春酒熟

滿庭風雨看梅花

夜宿城西聞雨有懷新堂瓦覆尚缺感賦二絕  
草堂新構瓦難求  
白日輝輝座上流  
世亂苦無王錄事  
夜來聞雨不勝愁

其二

架上殘書亂不收  
短琴亦掛壁東頭  
直愁沾濕無泥滓  
尤恐堂坳作水流

墨鷹

秋風海上初來日  
霜曉林梢獨立時  
鵬鶚雲霄終自得  
軒楹絛錠未須期

其二

霜落丹崖木葉稀  
翩翩勁翮斂寒晞  
五原殺氣憑陵急  
林下鷦鷯只謾飛

余兄弟因避亂山中  
復有衾枕團欒之樂  
喜而賦詩

幼小長歌棠棣詩  
長城江海惜分離  
誰知中歲團欒樂

正在深山避亂時

癸卯歲日者推閏二月或傳閏三月

閏月推移定幾時  
花晨上巳兩持疑  
六年民物遭聲磬  
天地茫茫竟莫知

舟出流江

乘流清夜下芒洲  
盡敞篷窓看月鉤  
灘面忽驚波轉急  
青山無數泊船頭

入峽潭



水上石山森劒鋌水中石屋是魚房  
秋來水落月未出魚眼射波如火光

聞劉友文病起二首

詩帙不來春又過藥瓢應是日相親  
無因為報池南柳長得新條長過人

其二

俗李粗桃故近人也應無處避埃塵  
春風看盡亭前水惟有鷗鳬不厭頻

題墨竹

羽衣何處采仙茆海上蓬山紫翠交  
帝子欲來風露冷月中遙見綠雲梢

題墨雀

乍逐微風度柳槐又隨斜日噪樓臺  
晴沙如雪江村路何處飛來啄雨苔

三月五日同鵬舉蕭茂材白水道人遊三華未  
至留宿山下袁氏明日雨作望三華在咫尺不

能至乃冒雨步歸袁君追至山外不果留途中  
因賦東同遊者

三華山在亂雲間晴日尋春雨却還想見飛橋轉樓閣  
碧桃花下水潺潺

過柳溪道院

岸上誰家掩素扉烏啼渾似惜春暉日斜深巷無人過  
時見梨花一片飛

過江南高城訪孫景賢知事途中有作因錄奉

東

屋角桃花深淺開臨溪欲過復徘徊誰知不是尋春者  
自為山人看竹來

其二

渡江一望一咨嗟水繞田園逕路斜多謝野人相指引

青松嶺外第三家

其三

家在松蘿杳靄間屋西流水並沙灣可憐萬里懷鄉意

日上高城望北山

題雲松圖

何事攜琴更載書  
青山深處是幽居  
白雲日日岩前起  
松下茯苓應可鋤

下北岩適舉正鵬舉自溪上來迎道中賦此  
步出北岩望平野  
石角垂蘿青可把  
多謝蕭鍾兩故人  
相迎直過青山下

五月二十二日晚來南溪諸友過武山避暑

曉上西華愛日涼  
松風如雪洒衣裳  
夕陽欲沒月初上  
亂石滿山疑臥羊

題墨鷹

霜毛劒翮耀星瞳  
獨立高林勁氣雄  
青鳥低飛空側目  
平原一擊待秋風

白雲

一片白雲東去微  
千片萬片相隨飛  
野人望殺田頭雨  
空逐逍遙神女歸

雨來

雨來風葉亂蕭蕭  
雲散青天轉寂寥  
知有秋霖千萬斛  
若為忍死待枯苗

月落

月落荒村夢自驚  
隔窻人靜一燈明  
狂風忽起樓西樹  
聽得枯枝墜瓦聲

題山水畫

遙峯隱隱白雲層  
喬木春陰落紫藤  
野客欲歸茅店晚

赤欄橋外見魚罾

其二

江上山根帶石盤  
長松箇箇挾風湍  
飛雲又向山中起  
閒倚茅亭只靜看

題墨蒲萄為古心上人賦

移根何日渡流沙  
萬顆神珠燭絳霞  
岩底月明初入定  
驪龍弄影落袈裟

其二



龍髯飛動綠雲中  
寒影扶疎出梵宮  
數罷念珠心似水  
幡幡貝葉動秋風

題竹石棘圖

山石確犖行路微  
苦竹叢棘相因依  
草根露寒蟋蟀語  
有客秋暮懷當歸

題折枝葵花梔子畫

山梔蜀葵何日栽  
春深常是共時開  
微風池館清無暑  
曾看佳人並折來

承蕭翀相過不遇留詩而去次韻奉答先時翀  
避地羅團聞已歸南溪

憶在南溪看武山相攜常是月中還自從西北兵塵起  
望殺盈盈一水間

其二

霜壓驚塵月滿山雲中雞犬又東還幾時踏雪攜青玉  
來訪仙人石室間

武溪道中望武山

虎峯龍洞互綿聯常是高低落照邊最愛武溪溪上看  
錦屏一片倚青天

數日風雪不見武山稍霽出溪上見雲氣鬱然  
喜賦一絕

武山秀色盡長松曾宿泉亭夜聽鐘溪上閉門三日雪  
不知雲氣滿西峰

題雪中歸獵圖

鷹犬蕭蕭得雋回獨騎瘦馬下崔嵬南山風雪黃斑出

不見將軍縱獵來

竹笛

仙人夜半吹短笛  
嗚咽角聲長  
更微雲鴈繞空愁不下  
清霜稍稍傍人飛

題風雨歸舟畫

狂風橫雨滿江天  
縱有高帆未可前  
別浦寬閒湏暫住  
莫教吹却釣魚船

蘭舟詞

有序

有嫁女渡牛吼灘而溺死者作蘭舟詞以悼之

風蕩蘭舟觸石磯  
白波如雪卷羅衣  
香魂只在春江上  
化作鴛鴦獨自飛

以風雪不果遊龍門承故人羅允道寄詩相問  
依韻奉答

雪滿空山不可行  
懷人幽興一時清  
高堂正隔黃泥港  
短屐難移冷水坑

題秋江小景畫

美人鳴絃思瀟湘斜飛金鴈不成行夜深彈徹烏栖曲  
月照寒江萬樹霜

石橋道中

一樹棠梨溪水頭飛花片片逐溪流行人過盡斜陽暮  
何處飛來雙錦鳩

訪胡隱君山居

屋後青山亂入雲屋前春樹綠紛紛松窗曬藥無人到  
時見西岩過鹿羣

蕭翀常早起讀書畜鳴鷄於樓上以為候為賦

一絕

高樓籠鷄聽早鳴  
夜長愁誤讀書程  
不道州城烽火後  
更聲常是不分明

度三華飛仙橋因憶往年同遊者

步轉危橋入紫烟  
曾登絕頂望飛仙  
五人同賞今誰在  
試數重來十五年

題桃源仙隱

昔人築此事朝真鑿谷開林結構新亂後已無桃李樹  
惟餘松柏歟青春

書山中老人語

山下新亡惡少兒林間挾彈少來時昨朝鸛鶴爭飛過  
定結春巢向近枝

戲題蕭子所書舍

尋山衝雨過甘溪欲訪蕭郎路轉迷閒殺門前春水綠  
釣竿還在栗原西



雨中見杜鵑花

去年曾看杜鵑花  
醉出春林日已斜  
今日北岩山下路  
獨衝烟雨過僧家

送客

九客俱辭一客留  
出門相送問重遊  
夜來共對西樓月  
不道今朝有別愁

蒼石硤中見道人庵居隔水山花盛開

蒼石硤中花藥欄  
舊時草屋傍岩安  
道人去後松橋斷

卷八  
縱有花開隔水看

石塘山家

隴麥高低逕路斜  
小池楊柳帶人家  
東菑午餉柴門靜  
一犬籬根臥落花

玉隆山晚望

山路初晴柰葉香  
青林赤磧帶橫岡  
玉隆山後平田少  
柳下人家是石塘

題墨鵝

風翻霜毛勁氣多清秋一點過新羅飛栖不定還驚顧  
奈爾山田野雀何

春晝

池南欹柳燕將雛門巷新晴轉綠蕪花隔小窻人不  
到一簾香霧鬪擣捕

聞吹笛東蕭翀

武山曾共賦仙遊按節傳觴夜不休恨殺春寒花雨濕  
時時吹笛上西樓

見城西有撤民居為城濠者

昔人城裏築基牢  
撤屋新來又作濠  
濠底土為城上土  
到頭誰下復誰高

中酒

銀燭頻燒夜宴遲  
晨光忽覺轉簷枝  
幽人欲起還中酒  
臥聽西齋讀杜詩

題觀泉圖

披圖如見錦袍仙  
正詠銀河落九天  
百疊雲屏烟霧裏

石梁聽雪定何年

題折枝梨花

最憶梨花白雪香  
春深千樹鎖昭陽  
畫圖驚見東風面  
獨擁紅綃試淺粧

重過高城孫景賢寓舍

孫公墩在水南村  
亂後重來已閉門  
壁上殘詩猶可讀  
令人還憶醉時尊

題雙竹

天星墮地氣如虹深映蕭蕭玉一叢草滿漢宮秋露冷  
金莖雙出月明中

題鄧尚詩藁

經旬不見鄧郎過入手新詩意氣多政是珠林秋雨過  
水清沙白見微波

題盧仝煮茶圖

沙泥搨額最堪悲紗帽籠頭又一時可憐畫史尋常意  
不寫當年月蝕詩

重過義山堂憶蕭晉兄弟與清江劉仲修同飲  
園空室中今十年矣感念存歿為之黯然

溪泉依舊石泉通故舊飄零土室空却憶清江劉處士  
曾同絕頂坐松風

王山蕭氏館中感舊

館中嘗畜白鴈今已燬惟  
一杏樹存耳

金粟莊前白鴈翔十年嶷嶷見諸郎重來往事那堪賦  
依舊當門杏葉黃

入山登絕頂望珠林故里

十載安危此地分豺狼一旦自成羣烽烟江上愁回首  
只向深山望白雲

入深山度嶺聞故人劉方東寓里良寺喜有相  
因之地

萬折千縈度遠山舉家筋力盡躋攀喜聞故友山中近  
却望前峯一解顏

聞東鄉婦女為亂兵驅掠南上甚衆

華屋娉婷步履輕亂來幾日竄荆榛官兵驅入牛羊隊



直過江南聞哭聲

其二

朝火南村暮北村  
千家今有幾家存  
君看道路纍纍者  
總是承平長育恩

見山中結草為舍者

結草為寮石作床  
和雲和月卷衣裳  
秋風華屋成塵土  
却望青山是故鄉

其二

已挽卑枝當屋椽更班枯草作寒氊從今莫彈南飛鳥  
客土安巢未有年

夜驚

雞喧犬嗥牛夜鳴空村月落旅魂驚何人敲竹爭防虎  
坐聽山風過五更

出村

偶沿流水出孤村遙見人家欲斷魂屋上野狐嗥不去  
土垣挿棘半無門

過老虎口

負嵎妥尾兩蹄蹲秋草斑斑見石根  
雞犬已空人散久猶張饒吻向荒村

憶家藏舊書

萬卷家藏史與經翻床毀櫝總飄零  
可憐閒殺箋題手無復林間拾露螢

聞思庵中有羅漢柏二株一花一實或以為有雌雄云

團團異柏名羅漢來往山中忽見之東樹作花西樹子  
從教枝葉定雄雌

余憂憤中戲作墨龍于報恩寺之西壁明日余  
兄子中復圖於東壁有高視濶步之意或請余  
弟子彥贊之子彥笑而不言因賦一絕以見意  
東壁圖龍勢最雄氣連西壁雨雲通葛陂一杖無人識  
雙劍飛來野寺中

感懷寄友人二首

十年離亂今年甚  
盡室飄零秋雨時  
百里荒山行欲暮  
望人烟火望晨炊

其二

八月南奔未授衣  
忽驚霜露滿柴扉  
敝裘已落他人手  
憔悴蘇秦未得歸

西隣

門前紅葉寒初落  
窓下青烟濕不飛  
賴得西隣老翁健  
荆薪長日送柴扉

病中喜蕭翀送買鹽錢一百

四隣寂寂晝無烟一榻寒風擁被眠十日開門驚剝啄  
故人還送買鹽錢

題墨竹贈楊煉師

瀟洒高標早出塵歲寒空谷見斯人紫霞洞裏吹簫處  
閒殺桃花萬樹春

題歐陽仲元所寫墨梅

最愛同年歐進士寫梅筆意自成家君看半幅橫枝景

猶是春前雪後花

得舍弟子彥贛州消息

衝雪殘年事遠行  
若為留滯過新正  
室家零落田廬廢  
一紙書來萬感生

夜宿濶塘與陳有慶別

夜宿塘西山館中  
可憐愁雨又愁風  
一瓢春酒千行淚  
明日行人獨向東

山樓偶題

東南爭戰定何如二月農民少定居獨上西樓坐寥閨  
四山烟雨一床書

尋春

顛雲橫雨挾風塵終日尋春不見春雞犬已空桑柘廢  
清明誰是踏青人

入山

二月攜家又入山紛紛爭戰往來間草堂落盡梨花雪  
過却清明未擬還



見種松苗者

少壯從軍事戰征東南十載廢春耕老翁遠作諸孫計  
閒種松苗待太平

春望

荒城人散草如烟豺虎西來望市廛腸斷城南望城北  
春深無計得歸田

南園

南園桃李舊凋傷作意迎春向艷陽十日寒風三日雨

翻成狼藉送年光

癸卯兵亂吾州文廟祭器樂器散逸無遺

百年禮樂化齊民孔廟彬彬器數陳邊豆飄零鐘磬毀  
逾河蹈海更無人

題三岡寺

石橋流水帶人家紫殿春陰閣岸沙啼鳥數聲山雨歇  
門前落盡白桐花

石鼓坑田舍

松林日暮雨淒淒十里陂田五里泥一月離家歸未得  
桐花落盡子規啼

望仙壇嶺

東望仙壇第一峯倚天秀色盡寒松春來山下多風雨  
黃土潭深有臥龍

夜聞布穀

夜半山布穀啼離人歸路夢中迷深鄉三月青苗老  
猶有荒田未得犁

觀插秧

村北村南春雨多，千聲布穀奈君何。  
稚子不知征戰苦，把秧猶唱太平歌。

聞歐陽仲元入南門山

路入南門曉看山，金鍾石下轉松關。  
溪深惡木多蒙密，却採芹花日暮還。

田舍早起

東林鳥鳴風蕭蕭，西林月落星寥寥。  
老翁開門飯牛起。

綠苗滿田白水搖

雨晴

三月雨晴風日侵山下田田流水深  
稻苗一片青如織  
花鴨來時無處尋

田家謠

伐木修城更運糧科銅採箭又徵鎗  
畊牛掠盡丁男死  
不信官田不解荒

重遊里良感賦

寺後青峯梵閣陰寺前流水稻苗深重尋稚子牽衣處  
栗葉青青雨滿林

題泰源堂壁上墨龍蕭煉師畫

白鶴仙人劍氣雄蜿蜒鱗甲動秋風何年飛上精藍壁  
海藏神珠徹夜紅

題牧牛圖

牧子食牛牛性馴一鞭斜日過平津如何躍馬金鞍客  
不及逍遙壠上人

題枯蓮水禽圖

綠房秋老驪珠黑青筠霜餘翠羽乾歌罷採蓮人不見  
雪姑飛去水雲寒

題子昂趙公竹石圖

叢竹娟娟露葉翻高情長是憶王孫喜從石上看書法  
不獨牆陰見雨痕

題秋江晚渡小景

滿山黃葉亂秋晴風款橫江一棹輕老屋溪南歸未得

十年風雨最關情

題竹石圖

雲根雪骨立崢嶸誰種琅玕綠乍成  
安得長竿三百丈為君橫海掣飛鯨

題石上鵲鵲圖

石盤鱗鱗水溪急鵲鵲飛來水中立  
前飛回首定相呼寒枝月明愁影隻

題馬圖



霜蹄霧鬣聳權奇乍摘金鞍汗血垂海外貢來偏愛惜  
監官引過不教騎

題江天小景

斷岸遙山翠欲漫冥鴻飛去楚天寬何年結屋長松下  
坐聽江聲五月寒

出長逕藍陂

行人三五度回溪亂後人家井竈迷蒼耳黃蒿無路入  
斷垣細雨鶉鳩啼

度嶺

蘆葉蕭蕭亂壓頭  
石攢山擁路如鉤  
陰沉不見天邊日  
鳥自喧啾水自流

茆坪

斷壠荒岡少樹林  
翩翩何許一幽禽  
欲栖不定還飛去  
白葦黃茆秋正深

小莊

老虎廟前溪水長  
白羊坪下晚山蒼  
到家尚遠心先近

指點行人問小莊

猪龍潭有序

石上有虎與人迹或傳伏虎禪師騎虎至潭口逐  
一猪入水化為石人疑為龍云

猪龍已化潭中石石上空餘人虎迹老僧騎虎不曾歸  
溪水潺潺山葉碧

老兵

丁男戰死籍名存主將呼名更點屯白髮滿頭筋力盡

却教隨伴守營門

與郭約別

火燒橋畔草離離  
野水寒山日暮時  
已渡前溪更回首  
知君獨立尚歸遲

東原對月

土屋無風尚不關  
屋前遙見兩青山  
瓦盆盛酒茆鋪席  
何日柴門望月還

寄湛上人

當時曾共北沙遊  
把酒哦詩賞素秋  
十載故人零落盡  
東山依舊說湯休

流江春日

山遶平原屋遶山  
兩溪流水結迴環  
綠楊如畫花如錦  
長日烏啼烟霧間

過郎湖

山中春鳥夜相呼  
岸上誰家酒可沽  
風露滿船眠不得  
長歌乘月過郎湖

酒醒

野人亂後無歸處惟有尊前似故鄉  
昨夜流江水亭上  
五更酒醒月如霜

紀夢

風雨瀟瀟雞亂啼去年春夢使人迷  
環波亭下東湖路  
依舊荷花水滿堤

題上元周伯寧所贈僧惟善山水小圖

北苑南宮意所親  
早於揮洒見天真  
僧郎前月金陵去

卷得淮山一片春

出水口望牛頭諸峯不見

萬壑千林掩翠岑  
出山自淺入山深  
桃源未必真無路  
正恐重來自莫尋

早次楠木塘

月隱前峯霧不開  
杉林十里路縈迴  
多情楠木塘邊水  
相送行人出嶺來

過山塘坂

山塘坂上路如弓步入巉岩曲折中野鳥亂啼寒日暮  
滿山紅葉動秋風

題竹石贈王伯初

知君高節抱幽貞為寫修篁石上生却憶瑤琴清奏罷  
滿天風露聽秋聲

觀野燒

歷歷烈烈風火飛前山後山相映輝春來雨打黑灰落  
山下麥田應解肥



題石泉山人隱居

閒尋隱者憶重論  
路遶荒田水遶園  
何日山中收藥去  
滿林脩竹不開門

題李復中所畫龍圖

海外飛騰地軸傾  
五雲雷電遶神京  
鼎湖天遠人難見  
彷彿龍髯下太清

覽鏡初見白髮

悠悠四十六年春  
覽鏡驚看白髮新  
已分逍遙酌日月

東風何用妒閒人

二月二十日述懷

別時曾賦落梅花江上風寒燕子斜  
過却清明三日雨  
茶蘼亭上客思家

望橫塘諸山懷玉性蕭先輩

白髮曾聞一老翁  
巍科當日仰高風  
鄉人遙指讀書處  
多在林間野寺中

端午月夕

蒲觴飲罷不成歌  
閒步林陰愛綠莎  
記取長塘初五夜  
月明偏傍屋西多

絕句

水蛾撲撲飛烟暝  
田狗荒荒吠月明  
絳帳十圍人半醉  
青燈一點夜三更

食楊梅

去年南富楊梅熟  
曾折青枝露顆垂  
今夜長塘燈下醉  
獨看紅顆憶青枝

夜過南溪聽吹夏笛

依舊當年一笛吹  
山寒雲破月光遲  
滿堂賓客今誰在  
無限傷心只自知

憶平原

瀟瀟山雨夜鳴雞  
夢裏懷歸意轉迷  
林下今年寒更早  
誰拈黃葉止兒啼

送劉海鵬之金陵三絕

鳳凰飛集五雲間  
送爾長歌入楚關  
明日駕帆淮水上

便從雲氣望鍾山

其二

宮亭水落鴈南飛  
寒日蕭蕭錦樹稀  
二月東風江浦綠  
却攀楊柳待君歸

其三

荷葉陂頭流水聲  
月華霜氣兩淒清  
自憐委翅蓬蒿底  
不得相從赴遠征

初入荷葉陂看月

十年跋足走風塵到處青山是主賓  
武姥岩前前夜月多情何事苦隨人

十一月十四日入葉坑

山下泉車盡日聞山頭茶樹綠成雲  
幾時荷葉陂頭住學種山茶四十斤

十二月十日出金原道中

水南羈客望春歸日暮茗園野燒稀  
知有陂塘應不遠一雙野鶴傍山飛

題瘦馬圖 有序

余友大梁辛好禮題云曾奮沙場朔漠功病毛如  
蝟氣如虹一株官柳西風下猶紀當年百戰中乃  
其暮年由贛赴汀時於王府推坐中醉時所賦也  
余悲其辭因追和以傷悼之

當年毛骨聳奇雄曾奮沙場百戰功萬里渥洼歸未得  
却將憔悴托秋風

同王伯圻諸弟登眺宅後林谷茂鬱可愛因題

谷中松竹二首

離離四五百竿竹落落二三千尺松  
深結秋陰應憩鶴  
高蟠雲氣欲成龍

其二

碧嶺穹林相倚傾隔溪啼鳥喚春晴  
松間石上堪題句  
怕有人來識姓名

寄家書

匆匆濡墨寫憂端憑仗東風寄便翰  
政使書回春未暮



也應無處倩人看

蝶

花間撩亂作團飛  
草際悠揚獨自歸  
惱殺吳姬描不就  
忽隨扇影上春衣

題宣和鸚鵡畫

汴水西頭輦鼓聲  
寶箋香翰尚娛情  
可憐鸚鵡空毛羽  
不解傳書到北京

春日謾興柬鄒使君

暖風疎雨淨塵埃  
林下幽居鎖綠苔  
昨日桃花渾落盡  
去年燕子却飛來

題楊自明萱草鵲鴿圖

鵲鴿相顧復相依  
萱草花開滿石磯  
不似秋來沙上鴈  
天涯風雨更分飛

入苦竹潭聞笛

江上何人吹笛聲  
水雲風樹兩淒清  
幾時載取禾川酒  
苦竹潭心看月明

入天河

日落狹潭風湧波  
汎舟從此入天河  
虛疑天上無人到  
百疊青山路更多

墨潺山中聞鴈

千山萬山雲霧堆  
一聲何處鴈飛來  
盤迴欲下還驚起  
月照寒潭一線開

藥湖書所見

石根寒沼時時落  
嶺上荒田寸寸鋤  
已圍蕎麥防飢鹿

更挿杉條護凍魚

其二

敗葉草荒餘箭眼殘兵衣禿見刀瘢  
蕭條香火楓林靜散漫人烟草閣寒

題古城畊釣圖為王子讓賦

兩角黃牛一釣竿古城幽處足盤桓  
亂來稅水仍輸秬留取溪山畫裏看

題松竹居士集有序

居士姓王氏名世澤廬陵宣溪人為靖州太守之  
令弟其詩類有唐人風韻其諸孫禮以示余因題  
絕句于後而歸之

靖州令弟蚤稱賢小隱哦詩數百篇松竹已荒文采在  
清名留與後人傳

余留宣溪曠氏幾半月于別也承惟寧惟南伯  
仲率諸客送余江澣停舟賦詩眷眷有留戀之  
意明日到流江書此寄謝

十人送行一人去船頭舉手沙頭語船開山轉水急流  
白雲杳杳知何處

其二

停舟不發更歌詩歌未成章意已悲注目滄波相別處  
斷腸荒隴獨歸時

雨坐候故人不至

冬青葉上雨瀟瀟虛館山寒坐寂寥還說南村收穫去  
可能留客待明朝

燈花

閉門坐待月光斜  
應念行人未到家  
好是客窓殘酒醒  
一簾風露看燈花

重遊洞玄壇

河水西邊萬木羣  
三間茆屋祀真君  
仙家閒靜無塵榻  
自掃青苔坐白雲

題墨竹贈同升

郎石溪頭君故家  
前朝文物自清華  
幾回想踏橋邊石

翠竹瀟瀟覆白沙

題明皇優戲圖

臂袒紅衫側皂冠  
翩跹跳舞樂初攢  
笛聲一片宮前起  
應說秋風蜀道難

寄示楊生元哲

昨見王郎問吾子  
山居鍊得好詩材  
青年未必仍多病  
却怕風寒不出來

其二



我到流江一月餘相思長把案頭書門前幾樹垂楊柳  
比似別時今更踈

見池上梨花

梨花一樹照清池煖雪晴風二月時忽憶小園曾種得  
今年應發兩三枝

春日見豫樟落葉有感

豫樟凝綠雪霜中何事春來一轉蓬自是新條更舊葉  
不關搖落是東風

題宣和墨禽

君王無那汴宮春  
八寶箋明墨羽新  
寂寞金輿灤水外  
繡禽楊柳入邊塵

金沙盛開

金沙花發繞亭東  
萬朵籠鬆滿障紅  
安得移樽喚歌舞  
為君醉倒錦屏中

春夜論詩和王子讓三首

明年期看上林花  
烽火中原起嘆嗟  
舊業可堪淪草莽

高懷元不累塵沙

其二

江草青青江水生故人相見總憐情  
雲來雨去青天裏一日陰晴幾變更

其三

古今作者自聯綿白首窮愁也可憐  
須信乾坤同照耀肯教光景付流連

夜雨

一夜山中聽雨眠  
重簷深院燭花偏  
珠湖灘下水三尺  
不知流却木蘭船

寄羅惠卿

園西翠韭千畦密  
屋後紅椒萬本踈  
日晏荷鋤歸未得  
林風吹亂讀殘書

戲咏紅錦帳

紅錦帳子薄於紗  
四壁清風汎綵霞  
昨夜月明春夢熟  
誤吹長笛入桃花

偶見

槐樹陰陰雨滿池  
晚風灑灑綠生漪  
槎頭出水纔三尺  
便有蜻蜓立許時

池上偶賦

畫欄碧樹午陰斜  
小扇微風拂帽紗  
最憐一時春水綠  
不教五月看荷花

溪上晚眺

槿花蓬門處處同  
行人橋外各西東  
荒原斜日牛羊下

一路西風蒹葭紅

珠湖

珠湖湖裏蚌生珠  
野老傳言定有無  
昨夜月明湖上望  
一川寒色秀菰蒲

初聞木樨

老桂初開試一枝  
吹香時有外人知  
深林盡日何當見  
自是秋風不敢私

其二

連雲長愛綠團團一片清陰九夏寒自有秋香三萬斛  
何人更向月中看

秋夜送伯衢別

山風吹落桂花枝江上停杯欲別遲半夜酒醒柔櫓發  
一篷烟雨過平陂

出石門灘舟行書所見七首

石門灘下浪如雷西岸人家夕照催亂石滿江灘路淺  
唱歌踏水負薪來

其二

石潭秋水漾清萍兩岸青山夾去津  
鈎箭纏絲挾長弩  
柳陰時見射魚人

其三

龍福渡頭灘最高斷橋崩石鼓秋濤  
小船不敢當江下  
獨傍洲灣送短篙

其四

秋雨生苔綠正肥江心石面暗浮衣  
漁人網罟應難下



野鴨鷓鴣滿釣磯

其五

馬頰廟前江水長  
馬頭石下綠潭光  
出山估客來求卜  
拋紙放船澆酒香

其六

沙岸崩時惟見石  
江流曲處却逢山  
荒林野屋元星散  
古路行人自往還

其七

放船出峽遇回風石角參差盡向東貪看好山如走馬  
不知波浪入船中

過平陂望南平王廟

陽臺石下水離離夢閣猶傳故老知千載神遊竟何往  
滿江明月照荒祠

題溫日觀蒲萄

老人醉墨走蛇虬風露瀟瀟數葉秋無復馳囊盛馬乳  
却教圖畫憶涼州

五嶽道士攜至故人梁仲聞詩因和奉答

朝真壇上月明時  
白鶴歸來見好詩  
三月青塘芳草路  
十年風雨最相思

題雪竹

簣簣谷中三日雪  
深林無人鳥飛絕  
翩翩翠袖出岩阿  
路轉風迴聞珮玦

題雨竹

滄波石面晚陰涼  
翠篠娟娟過雨香  
何許鷓鴣啼不斷

黃陵祠下是三湘

題石竹

翠葉枝低雨過時  
釣臺石上影離離  
記得月明江浦夜  
舟人解唱竹枝詞

題墨竹

石邊修竹兩三竿  
渭水蕭森暮色寒  
會見秋風吹結實  
鳳皇吹下五雲端

為郭吟所題竹

長豐隱者年八十種竹滿林皆老蒼  
莫將翠玉輕裁管  
留取長竿釣渭陽

賦南園敬筍

穠花嫩蕊各爭春乳燕鳴鳩亦惱人  
偃蹇南園敬竹筍  
獨依榛藿蔽閒身

題伯衢扇

華山收雨兩江晴夏竹屯雲一徑清  
門外綠陰眠野鹿  
隔簾時聽打碁聲

題扇畫

玉露凋傷赤岸楓寒江月落鴈呼風誰知茅屋荒山夜  
亦有長吟抱膝翁

聞鶯

霧雨初晴萬竹低鶯聲彷彿度前溪忽然飛去無人見  
却在綠楊深處啼

觀禾川新漲

勝鄉三日雨如秋雨江新水拍山流長杉短筏不敢下

怕有蛟龍乘夜游

江上聞鶯

宣華西上是教城  
江水弓彎復鏡平  
五月行人西嶺下  
滿山青樹只聞鶯

謾題

為謝高陽舊酒徒  
相逢從此莫言酤  
野鳥不知官禁苦  
向人猶自說提壺

奉和吟所翁二首

蒼顏皓首一癯翁談笑衣冠有晉風昨夜卷書燈下看  
眼明猶自辨魚蟲

其二

林間淨掃白雲眠蕭散寧為外物憐自說東華年少夢  
千金歌舞看花前

松棚

高架松棚蔭綠苔忽看片影上層臺可緣畏日翻嫌月  
併隔清光不入來



湖上曲

湖陰微雨裊新粧  
隔浦風來水氣香  
閒凭船舳不歸去  
綠荷花底看鴛鴦

其二

綠荷繚繞水為城  
十里紅雲照眼明  
不知昨夜花開滿  
清曉船來不可行

其三

郎船夜傍隔溪雲  
清曉看花不見君  
自撥蘭橈唱歌去

却嫌荷葉混羅裙

其四

新蓮乍出卽昂頭  
葉底紅菱不解浮  
菱角沉泥終暗老  
蓮花落盡卽漂流

其五

鸕鶿雙飛亂綠蘋  
盡船終日倚湖濱  
泥中踏藕何由得  
水上看花惱殺人

其六

自入花叢擘翠房散拋蓮葯水中央秋來無奈相思苦  
心苦愁多不敢嘗

其七

淡淡紅粧慢慢歌畫船如月陰高荷雨來不怕羅裙濕  
貪看湖光舞翠娥

其八

獨自沿流出浦遲迴船何事不相期滿房蓮子誰心苦  
落盡秋花君始知

夜半

風滿松林水滿池幽人看月未歸時  
山禽夜半啼如鬼童子熟眠渾未知

訪杜巡檢不遇留題早禾官舍

早禾渡頭不相遇青山岩前還獨歸  
想見它山逐狐兔蒼鷹掠地馬如飛

其二

候吏庭閒散綠苔銀鞍何處未歸來  
寒塘九月風烟淨

惟見芙蓉一樹開

石鼻潭

清潭百尺綠  
淙淙潭上青山立  
翠屏安得扣  
舷明月下放歌垂足踏寒星

和溪道中

深深黃竹兩三家  
丘隴高低徑路斜  
犬吠柴門楓葉下  
一籬寒日蔓絲瓜

雨坐讀史記憶子中兄  
茆堂已開北渠賦此奉

呈三絕

中國風雨一節茨土壁沾濡嘆地卑  
昨日開渠北簷下  
已通流水過南池

其二

嬌兒忍冷戲牀前  
貪笑癡啼也可憐  
烏柏林空紅葉濕  
蕭蕭烟火對愁眠

其三

雞犬蕭條少四鄰  
孤村風雨自荆榛  
愁來愛讀平原傳

濁世翩翩一偉人

溪上晨起承舉善鍾茂才書自白馬源來問近  
作因賦二絕

山鳥一聲當翠微野人初啓竹間扉日輪欲上天東角  
滿地白烟皆倒飛

其二

入山方恨故人疎喜得朝來一紙書十日閉門仍斷酒  
誰憐多病馬相如

過東門故居廢址感賦

快閣東頭是故家  
兒時挿竹更移花  
只今門巷無尋處  
半落江流半岸沙

蔣崦道中

寒江水落鴈團沙  
碧嶂霜餘樹隱霞  
行客忽驚冬欲盡  
道傍初見報春花

和蕭翀江上紀別二絕

霜落烏啼知夜長  
驅車欲別更徬徨  
明年何處來相覓



楊柳青青馬跡塘

其二

北岩雲氣上岵嶢却望歸雲度野橋誰在西樓吹夏笛  
鴈飛不盡海天遙

望月吟

一二初三眉黛橫佳人夜夜望瓊英無端數到團圓後  
圓不多時缺又生

聞百舌

此去風光日尚微已聞百舌弄春暉江南二月多冰雪  
塌翼垂頭何處飛

大寒雨

陰雨先晨作大寒東歸道路恐難乾故園梅樹花開未  
猶擬春前十日看

遇周道士

洞玄道士周方外昨到宣華絕頂回岩上欲尋山椒攬  
忽逢虎迹却歸來

早朝七首

奉天門外唱班齊  
霧隱迴廊月正西  
警蹕傳聲團扇出  
文樓撾鼓報雞啼

其二

禁樹晨霜欲下時  
垂鞭馬上怯先知  
午門月落聞金柝  
城上風迴見畫旗

其三

曉日曈曨射赤墀  
侍臣奏事退班遲  
龍旂鳳扇參差出

金匱要略卷八  
又是彤墀下直時

其四

聖主潛心古帝王武樓降輦步長廊壁間不遺丹青浣  
盡揭先儒衍義章

其五

警蹕初傳夜未央朱衣當殿簇班行忽宣內使移宮炬  
分照儒臣讀奏章

其六

東苑金河水慢流水邊芳草弄輕柔晚涼小蓋諸王出  
爭控雕弓試紫騮

其七

天設皇居象紫庭文昌執法祭羣星午門東北紅雲起  
遙見鍾山萬丈青

英德江上

臘月炎州霜霰稀清江白日燕交飛四千餘里金陵路  
何日征人度嶺歸

廣州雜韻

垂根榕樹三千尺結子芭蕉百萬頭異味薦盤隨地有  
繁陰壓屋半天浮

其二

趨蹌木屐兒童慣織作蕉絲婦女能老去只疑鹽是雪  
寒來不信水成冰

其三

峒商販米籠千頭結竹浮江下廣州擊鼓燒香南海廟

買羊沽酒市街樓

其四

炎州果木人難識  
詰問慚為口腹勞  
滋味却緣相濟好  
也拈柑橘食羊桃

其五

天邊日出霧難收  
海上潮來水逆流  
一自征夫下番去  
南風日日誤登樓

其六

筋竹長篙鐵木船兩檣夾立引藤牽越童狎水仍輕悍  
蕩漿踏歌驚晝眠

其七

越王臺榭已成原漢殿空餘鐵柱存莫倚兵戈憑海嶠  
好勤忠孝答乾坤

宜陽里過雷家寨

五指山前落日黃雷家寨下野田荒時平村堡無防警  
緣水人家自繞牆



甘棠里遇山人粟千鍾見道傍奇峯問其名舉  
無知者戲贈一絕

行盡翁源山萬重高人喜遇粟千鍾可憐老却觀書眼  
不識雲間一箇峯

下人陽烏石二瀧初聞猿聲二絕

萬石崩騰互犬牙兩山盤沓欲橫遮瀧流直下三千尺  
不見船頭見浪花

其二

白日青崖烟霧生  
深林絕磴少人行  
殘年烏石瀧頭路  
聽得山猿第一聲

過德慶憶萬戶劉公衡

錦裏石前江水流  
故人曾此戍康州  
當年旌節隨雲散  
尚對山花識舊遊

過梧州懷廣西僉憲王子啓胡子祺時分按各州

蒼梧浦口暫停舟  
聞在潯州與賀州  
無限好山雲霧裏

為君惆悵一回頭

至容州將赴北流聞陸川道梗題綉江亭

都嶠山前望北流  
丹砂勾漏若為求  
陸川更在浮雲外  
落日旌旗生遠愁

宿胡塘村

南上荒原路欲迷  
數家茆屋背清溪  
夜深月落千峯暗  
時有山禽樹上啼

粉壁道中

樹杪高崖盡挿天  
岩腰墜石半侵田  
火燒山木斷平路  
騎馬亂行江水邊

入高州界值雨

路入高州石徑微  
紫崖崩處黑雲飛  
行人初發青山下  
盡折芭蕉作雨衣

化州聞戍卒夜歌

化州城上月如秋  
聽着歌人自愁何  
日歸帆向東去  
陵羅江上正西流

題遂溪同由驛

山晚鴉啼木柵城  
征人暫駐馬前旌  
荒原漠漠風沙晚  
猶隔雷陽二月程

望海

獨上高原望海堤  
黃雲白浪使人迷  
無端路近青銅港  
流水三條盡向西

過雷陽有懷永年相倉使奉寄二絕

去年與子南京別  
知領鹽倉白石場  
萬里相尋不相見

獨騎官馬過雷陽

其二

欽廉西望路悠悠海角亭中足勝遊  
聖化只今無遠邇嶺南風土是中州

題鵲鵲圖為都事李鴻漸賦

鵲居穀食見天機躑躅蓬茆顧影稀  
長憶野田秋日晚馬頭驚起一雙飛

吳司令友云於磨勘公廨隙地鑿兩池以種蓮

而植柳其上五月過之見柳陰荷花盛開既恨  
不能久留又歎不能數往因賦二絕奉寄

小小池陂兩斛泉也教揀柳着春烟粉牆過午新陰合  
時有清風一洒然

其二

聞有高荷相次開綠雲深護紫霞杯公曹清切人難到  
自繞池邊去復來

題沈子仁青山白雲圖

野橋流水亂浮花  
深巷垂楊淺蔭沙  
祇恨小船呼不應  
隔江茆屋似吾家

題推篷觀梅圖

憶昔推篷泛雪漪  
一花半蕊見橫枝  
誰知天上春消息  
不在清江爛漫時

題扇

清溪綠漲岸西東  
五月荷花似錦紅  
安得水亭楊柳畔  
疎簾小扇坐薰風



偶賦

內官宣進瑞瓜詞  
闔闔門深晝影移  
東苑紅橋楊柳下  
曾因待詔立多時

漁村圖

湛湛長江上有楓  
偶然相遇兩漁翁  
明日何由問踪跡  
五湖烟浪杳茫中

九日寓因勝寺有懷晚上人渡江未歸

上人九月過開沙  
門掩虛庭白日斜  
好是重陽最相憶

隔牆無路看黃花

題日觀墨蒲萄為東山泰上人賦

巨然山水校毫毛靈徹詩歌費煉陶何似老禪三昧手  
雲飛風卷幻蒲萄

十月十五日早離鎮江

禪林聞有諸方勝吏事慚無半日閒京口五更雞唱亂  
又衝殘月過金山

題墨梅為省掾郭尚文賦

曾向花前倒酒卮  
茆堂雪月澹相宜  
一從省掖看圖畫  
長憶故園花發時

墨梅為掾史梅季和賦

仙人粲粲雪肌膚  
風格天然韻更殊  
月落嶺南啼翠羽  
春深洛浦弄明珠

其二

昔年禹廟閔神功  
遺榦槎枿自一叢  
彷彿蒼龍鱗甲動  
倒翻雲影下晴空

正月元旦陪車駕將山寺祠佛夜歸追賦二絕  
內官飛騎入松林寺裏華鐘吼法音五百高僧齊上殿  
紅袈裟裏間泥金

其二

香臺百尺擁雕櫺一朵青蓮出紫庭龍輦先登開善塔  
鸞旗猶駐翠微亭

題雲間圖為高員外賦

影落松林初散漫陰浮野水暫稀微時來天上從龍去

五色祥光夾日飛

題山水圖奉別沈都事彥祥之廣西

海上風清入桂林  
好山何處一登臨  
都門四月相攜別  
不盡長江望遠心

題司丞張孟兼白石山房圖

太常天上綴清班  
家在金華紫翠間  
昨日朝回見圖畫  
雙松正對石門山

題墨梅贈友人歸毗陵

一枝寒影弄芳菲無數幽香上客衣好似水邊晴雪後  
醉吹玉笛送春歸

題秋江垂釣圖

湛湛長江上有楓江平日落見飛鴻安得酒船三百斛  
荷花蕩裏釣秋風

題雪山飛瀑圖

釣船閒倚落星灣飛瀑高懸紫翠間風雨不來雲氣淨  
絕勝湖裏看廬山

宗啓劉君由泰和知縣入為工部侍郎先時縣丞陳舉善為作山水圖以識別及會京師劉屬題詩其上余邑子也故云

贊府澄江送別時曾揮健筆寫淋漓只今西掖看圖畫  
江雨山雲總去思

題墨菊圖為楊員外公輔賦

道人滴露調香墨寫出秋花一兩枝愁絕淵明愁未醒  
短籬沽酒月明時

題練帶桃花扇面為都府斷事官韓敬明賦

仙鳥飛來練帶斜踏翻雲影碧桃花誰令天上傳消息  
春到瑤池阿母家

題甘溪歸養圖為蕭國錄子所賦

先生歸隱甘溪日七袞高堂雪滿簪不待鼎珍陳至禮  
便如飲水也應甘

文登縣

海島沙寒倦馬嘶風潮雪暗水禽啼去京已是三千里



家比京城更在西

自濟南堰頭開舟溯黃河西上

小清河入大清河混混船頭湧濁波已過回灣五十里  
華山猶自鬱嵯峨

其二

東望華山西碣山河流奔放兩山間岸沙疏惡居人少  
時見魚罾占一灣

東河道中

北上桐城日未斜人烟蕭瑟半風沙客懷千里愁冰雪  
三月東河見柳芽

荏平縣

山東征客幾時歸榆莢成錢草似衣政自羈愁無着處  
馬頭忽見雉雙飛

清明日所見

初日榆林聽鳥鳴微風拂面曉烟輕紙錢麥飯誰家子  
忽憶清明上塚行

其二

參參榆柳帶烟蘿  
落日荒原狐兔多  
斷港已無流水過  
行人猶說古黃河

高唐州

三月春光欲暮時  
故園回首意兼悲  
道傍楊柳心枯盡  
猶有青青到遠枝

癸丑除夕口號柬古英上人

燕山城裏逢除夕  
子自無家我亦僧  
一種鄉心難與說

閉門各自對青燈

正月二十六日得表弟梁遠南京消息且云比  
江西來者皆未有書感而賦此

書發南京已歲徂開緘驚喜忽長吁誰知路比燕山近  
更說新來一字無

余自去冬閏十一月遣人還泰和迎候舍弟子  
彥與家人偕來今經九十餘日矣未知果來否  
偶燈下獨酌有懷愴然援筆題此俟余弟至而

共讀之時正月二十七日夜也

南北相望路七千南風只有賣鹽船故鄉消息何時發  
縱得書來是半年

其二

稚子家人俱可憐江南烟水路綿綿開船好是燒燈後  
下馬何由醉眼前

其三

轉覺別來俱老大四年不見奈愁何直須燈下狂呼酒

比較何人白髮多

其四

昨日通州好語傳  
凌開已見上河船  
船中怕有南來客  
直遣相迎河水邊

其五

更憶舍南篁竹邊  
長公相對結茅椽  
有時躡屐窺園去  
長日拋書枕石眠

其六

自起牀頭數俸錢  
倩人買秫釀冰泉  
牡丹開日應須到  
淨掃西軒待醉眠

其七

羣鳥亂鳴蒼柏顛  
南窓對酒一悽然  
不知今夜燕臺月  
何處荒江照客船

偶書

不見梅花思黯然  
蕭蕭塵土入新年  
白楊枝上垂纓絡  
正是燕城二月天

題李兵曹竹石圖奉寄中翁長公

自捲新圖寄長公  
幽篁古木兩三叢  
燕城六月塵如海  
得似南窓臥竹風

題江亭秋望圖

江亭秋望渺衡湘  
碕岸楓林帶夕陽  
欲採蘋花愁遠客  
白鷗飛去水茫茫

題春江載酒圖

錦石瓊沙不浣塵  
桃花楊柳滿江春  
畫船載酒遊何處



絕似風流賀季真

過萬歲山下

海子空涵萬歲山  
廣寒殿在碧雲間  
岩前無數長松樹  
惟有飛鴉日暮還

初晴

微雨初晴不作泥  
牡丹花發石欄西  
公庭過午文書靜  
坐聽林鳩自在啼

核桃樹

葉底青絲乍委纓枝頭碧子漸含漿燕南山北家家種  
不比齊東棗栗場

庭下牡丹盛開感賦二首憶徐呂二僉憲分巡  
未還

十年不見壽安紅三月燕城霧雨中未省何人舊栽得  
斬新雨露闌春風

其二

紺芽翠葉謁離離喜見新年發數枝無酒無朋難獨賞

每來花畔立多時

觀城外練兵

年少粗豪喜戰功  
短袍新賜錦重重  
對箭截鎗誇得雋  
驕騎官馬去如龍

種柳

繞城密密挿垂楊  
近水仍添四五行  
莫遣行人來繫馬  
更教遮護起藩牆

海子橋晚眺

海上青山山上雲空青錦繡自成文廣寒西下紅橋晚  
兩岸荷花一逕分

題黃淵靜贊禮墨竹紈扇

瀟洒頌臺贊禮郎手持紈扇白於霜只今寫得篋簪竹  
清晝無風也自涼

秋日燕城雜賦五首

南城土垣故不塌西宮渠水自相通野蘆花侶楊花白  
蒹木葉如楓葉紅

其二

菜根磊磊紅蘿蔔  
草子嶄嶄白蒺藜  
東園直通齊化外  
南城更在順承西

其三

長帘賣酒誇江米  
小檻分魚說海鮮  
羊市角頭逢賈豎  
蓬萊坊裏問神仙

其四

城中十井九苦水  
城外四圍三面山  
俠客已無多伎倆

燕姬那得好容顏

其五

官馬清晨去打圍  
馬前鷹犬去如飛  
平原日落烟塵起  
野兔山鷄倒載歸

秋雨口號

滿城風雨冷淒淒  
白楊葉飛鳥亂啼  
馬蹄暗踏十街水  
車轂深埋一尺泥

其二

直北風來厲作威  
吹沙挾雨半空飛  
行人不慣張油蓋  
茸帽羶衫信馬歸

命童子買酒看後庭晚菊

自數青錢送酒家  
瓦瓶細細注流霞  
牡丹芍藥從渠有  
莫負庭前瘦菊花

何日

楊葉落盡桑葉稀  
烏鵲夜啼風掩扉  
長年塞北風霜早  
何日江南遊子歸

秋意

簾外纖塵寂不驚  
滿庭秋意坐來清  
閒門白日無人過  
犬吠階前落葉聲

十月對菊

杏梨三月鬪芳華  
不見深冬梅與茶  
欲識幽燕風景異  
菊花開後更無花

狂風

陟頓風來刮地吹  
排窓推戶更掀帷  
居民土壁圍烟火



暖坑敬眠自不知

寒夜

馬齧枯荻寒夜長  
風如箭鏃射陰房  
不知門外三更雪  
誤起開門看月光

歲暮戲東天英上人

殘年寄食尚天涯  
風裂禪衣面撲沙  
還憶故山晴雪裏  
閒拖錫杖看梅花

題棧閣晴峯圖

曾聞劔閣上青天  
棧道縈紆路幾千  
更過隴頭聽流水  
白雲西下自秦川

題畫

九華日照綠楊川  
三峽雲深瀑布泉  
安得草衣騎白鹿  
碧桃花底訪神仙

四月承叔銘僉憲二絕句問西廳牡丹開未併  
寄瞿粟令予種之以娛目因戲用韻以答之

惆悵乘驄客未回  
杏花落盡牡丹開  
西廳吏散文書靜

幾向花陰立紫苔

其二

囊盛罌粟寄來遲  
種得花開定幾時  
賴有戎葵高一丈  
淺紅深綠總宜詩

既四月末予西軒牡丹一枝最後開與戎葵掩  
映特盛時叔銘適自保定歸隱若有相待之意  
因命酌快賞叔銘再用前絕句韻為寄興不能  
已仍用韻奉荅併憶呂本拙僉憲按事中山未

還歸日當共一笑云

戎葵花早牡丹遲剛值先生下馬時  
不便破除千斛酒也應勾引數篇詩

其二

有客邯鄲久未回西廳無奈好花開  
當筵縱賞何由共日日開軒掃翠苔

叔銘以紈扇索予題詩因戲作叢竹于上仍繫以詩

家住江南青竹林別來無日不關心偶然寫向齊紈上  
便欲移床坐綠陰

題古木幽篁圖

瓊枝翠葉靜為鄰秀色娟娟絕點塵日暮天寒羅袖薄  
可憐空谷有佳人

秋日見鴈有感

居庸關前秋草新桑乾河畔是通津可憐無數沙場鴈  
箇箇南飛背着人

送別叔銘僉憲出順承門

送客出城秋已涼  
太行南上楚天長  
順承門外斜陽裏  
蕎麥花開似故鄉

題晦庵先生書畊雲釣月四大字墨本為王敬之知事賦

十角黃牛兩具犁  
山南山北趣幽栖  
杏花開後菖蒲出  
春雨鵝鳩相應啼

其二

獨移蘭棹釣滄灣  
風細波澄夜景閒  
却渡九溪歌九曲  
不知月上浸亭山

七月一日得大兄去年九月寄書來其午魏直  
夫來自京師聞大兄哀訃而未領家問是夕燈  
下且信且疑輒賦絕句以寫悲愴

西風和雨入長楊  
的的青燈伴夜長  
一紙鄉書三四讀  
不知清淚濕衣裳

夜宿雄縣東館會文學李秀士自云嘗從游圭

齋歐陽文公過臨川曾子固清江胡居敬二先輩之門其風流醞藉有足觀者於是予去鄉七年矣為之慨然明日書此識別

瓦橋東館晚停驂喜遇幽人憫盍簪間說從游往年事  
滿庭霜月夢江南

出雄縣望西山賦一絕寄呂繼道僉憲

順承關外酒闌時駐馬相看各自悲多謝青山三百里  
送人直過易河西



望漢獻王陵

單家橋下雪橫水草樹連雲掠凍鷹漢業已荒河水在  
行人遙指獻王陵

夜宿逸家店

柴門下馬日平低葦席蓬窓壁乍泥寒夜老翁看客慣  
青錢問酒過村西

入德州界

霜結沙塵凍不飛榆林風定日熹微客程已入山東境

漸喜居人識面稀

過荏平懷馬賓王

昔賢經濟未軒張  
末路低回祇自傷  
斗酒新豐聊濯足  
令人長憶馬賓王

高唐州道中

北風吹沙官道長  
兩傍楊柳間榆桑  
何時走馬重來此  
要看清陰六月涼

碌獨

碌獨雙輪至日斜北風竟日捲黃沙已添衣上塵三斗  
誰料胸中書五車

觀野燒

牧童敲火枯柳根青烟獵獵起荒原回風吹入蓬科去  
燒却東家桑棗園

野老

野老當門喜客來旋燒新炕斫桑柴自言土惡無甜水  
五里分泉夜却回

至甜水鋪夜宿水惡不可飲早起趨高唐州

驅車甜水鋪前宿燎火夜乾衣上霜忍渴不眠愁水苦  
五更乘月過高唐

入東平渡北關外長橋見採樵冰上者

橋跨平湖一境開羣鷗欲下正徘徊蕭蕭蘆葦層冰上  
猶有樵人踏雪來

出東平南關始聞周侍郎賓自京還家而不及  
相見賦此寄意

聯桂坊前君故里匆匆車過不曾知逢人相問憑相謝  
正是南關大雪時

東平道中問酒不可得

寒鴉啄雪行且飛東平道上行人稀  
炕頭黃酒那得買冰下鯉魚空自肥

夜宿司徒鋪以送徒喧雜鍋釜不空童僕不及  
炊爨而去因憶嶺南舊事謾賦

憶從繡水入高州篁竹蕭蕭萬嶺秋  
道上行人敲石火

截筒炊飯也風流

余自北平赴京十二月五日道出濟寧會伯高  
齊君於公館君本唐縣人素擅顧吳之妙草草  
為予點真觀者咸以為肖而余獨覺其老醜也  
臨別賦絕句三首奉答併柬趙晉卿夏時佐曹

伯仁三先生

慶都山人齊伯高袖有五色之仙毫李白樓前忽相遇  
便呼銀甕出蒲萄

其二

我本山林麋鹿姿多君點染出清奇不知老去愁多少  
但覺秋霜滿鬢絲

其三

昨夜南關對月時客心如水平南馳京城此去猶千里  
歲晏還家未有期

夜宿城南天井閘候水憶孟鄰王貳守時許為  
余寫弄琴小像未至賦此以寄并東府公趙大

參秉彝

京國南還水路遙  
城陰復此駐蘭橈  
可憐關外重重閘  
不放河流過魯橋

其二

目送飛鴻手撫絃  
十年幽事已茫然  
誰知昨夜南歸夢  
猶在雲山野水邊

出趙村閘為魏鑑題墨梅一首

憶在江南處士家  
每從雪裏見橫斜  
北來十月燕山下



却憶梅花似雪花

南陽河口曉望

北風打頭船進遲  
南陽河口正流澌  
玉皇廟前楊柳樹  
行人却望憶來時

過谷亭二首

小龍渦接大龍渦  
谷亭開口水穿波  
寄語南船緩來上  
北船東下正如梭

其二

谷亭亭子大河邊赤鯉黃魚不論錢水上浮凌高一尺  
朝來阻住北來船

過黃河見隄岸有古墓雙石表感賦

河隄石表古來存知為誰家守墓門舊塚已墟人世換  
年年烏鳥當兒孫

題鷄鳴臺

鷄鳴臺下水禽啼韓信城邊雪滿堤千里行人愁夜半  
一船明月過河西

卽事

水禽如雪憩浮澌  
流下前灘漫不知  
岸轉舟迴忽驚起  
口中銜得錦鱗魚

黃河道中

一河盤注兩隄間  
十里應多北曲灣  
南艦經年載鹽去  
北船盡日送軍還

沙河閘

數家茆屋是沙河  
廢閘當河亂石多  
大船東下好扶舵

泗水西流當奈何

過留城

荒城如斗半蒿藜千古全功孰與齊  
須信君恩本天道如何自挾請封齊

過恭城望九里山

滿河水片挾舟行洲渚參差互送行  
九里山晴春意動買魚酤酒過彭城

將至徐州見人種樹者

舟下徐洪凍已開故園遠在贛江隈家家春近栽楊柳  
江上行人且未回

鵬月十五日夜徐州洪對月

徐州洪上月團團浪打孤舟客影寒料得人家今夕語  
一年十二度相看

泊徐州洪鄉人有攜酒相餉者喜而賦此

碧甕盛來琥珀光感君遠意不能忘情知歲近歸期遠  
且對尊前說故鄉

雪中見鴛鴦感賦

白頭鴛鴦飛且號雙雙衝雪下江皋  
吳娃不省風波苦  
只想花門繡羽毛

淮安舟中夜聞吳歌戲作二絕

淮安城下霜月明  
淮河船上唱歌聲  
誰遣此歌今夜唱  
聲聲却是怨郎行

其二

望郎歸近怨郎行  
一步閨門萬里情  
辛苦寄書河北去

人言却在武昌城

觀鑿冰捕魚者

湖淀野人工捕魚  
隔冰見魚冰下居  
持斧鑿冰刺魚去  
鑿根團團井不如

題關山秋霽圖

關門迢遞通何處  
野寺依稀記昔年  
未擬爐峯看瀑布  
直疑劒閣上青天

由邳州入房村

沙薄霜乾草不深蕭蕭榆柳冷無陰村園門巷皆雞犬  
比似江南少竹林

其二

層冰兩岸戲龍鱗先放河心一道春借問驛船行得未  
南京楊柳待歸人

過南陸山中

鳥過平原霜草齊雉飛兔走各東西何由掣取腰間劍  
細割肥鮮酒自攜



馬上望泰山口號

古色蒼寒倚太空  
旁無附麗屹當中  
要知獨拄東南角  
不是人間培塿雄

入濟南城

步入齊城見石麟  
荒涼莎草欲無春  
北風着意如相識  
吹雪花來候遠人

鳳村阻雪贈曲秀才

欲度成山泛海槎  
鳳村夜半雪飛花  
何由倒捲滄溟水

淨洗扶桑看日華

其二

北海東逢曲秀才鳳皇聞到此山來  
春風好種梧桐樹  
早晚飛鳴上紫臺

河上謠

青楊溝下是黃河三月春深風浪多  
河中石子白磊磊  
河水自渾君奈何

其二

河流曲曲是盤鉤東北西南不定流何侶客行西北去  
回頭一向望南州

其三

馬家淺上船難泊徐州洪下好相尋水急莫嗔郎性惡  
灘淺不如人意深

其四

家住黃河相見灣灣頭道路古來難十度船來九度見  
郎行自隔萬重山

其五

河上丈人河上居  
楊柳青青三月初  
少年挾箭去射鴈  
婦女踏罾能網魚

其六

臨河照影插花枝  
莫道渾濁不相宜  
試把郎心比河水  
顧盼分明當自知

過邵伯得風喜賦

長洲短岸去匆匆  
坐看雲霞西復東  
最愛歸船勝走馬

不煩鞭策只乘風

其二

南上河裏三百里買魚沽酒二三程  
小篷短棹泛敲側  
臥聽風聲與水聲

聯句雜體

附

遊金精夜宿桃閣余與鄭同夫張燈置酒且飲  
且吟命田仲穎書之余二人飲益豪吟益奇趙  
伯友從旁醉臥聞喧笑聲忽躍起大呼好句好

句仲穎亦時時瞋睡不謗羅孟文從旁大笑不  
已道士姜近竹以繼燭不給先退矣迨明綴之  
得五十韻

木落秋容淨天高旦氣清乾坤澄玉色雲霧豁金精招  
隱懷蕝桂劉尋幽想茯苓委蛇緣澗壑鄭迢遞出郊垌

赤嶺酣朝旭劉青峯帶曙星簣簣交石崦鄭蘿薜蔭林

亭峽口聞清唱劉崖陰見耦耕洞猿啼石裂鄭山鵲掠

雲平劉瑶草迷玄圃琪花藹赤城鄭老君岩削劣劉仙

女沼泓澄鄭玉几栖崖穩劉金床映戶熒仙桃寧有種  
鄭石鼓自無聲蓮墜飄銀漢劉松蟠偃翠櫺緣簷風鐸  
亂鄭挂壁雨瓢輕木鶴遙占斗劉銅龍並拱衡殿標唐  
歲月鄭地擁漢精靈鳳詔雲霞煥劉龍章日月精褰帷  
瞻綽約鄭隔水望娉婷劉奕奕青霞服飄飄赤羽旂鄭  
采鸞朝解佩騎虎夜吹笙縹渺何由遇劉荒唐孰可名  
悲歌傳下土鄭遺迹渺飛軒劉王紀長沙系兵行百粵  
征鄭委禽懷戀戀鑿石感錚錚劉仙偶真難匹師昏竟

莫成斷雲空有望鄭流水故無情已矣遺祠廟蒼然肅  
殿楹劉莓苔沾玉座塵網拂珠纓鄭明鏡沈秋澗殘棋  
委石枰劉尋真憐夢窈撫字覺心驚鄭映日蠶崖瘦緣  
雲鳥道橫劉躋攀愁獨坐歌嘯混同行鄭剪燭當清漏  
移尊近翠屏劉絕襟從客醉移席任渠爭鄭酌唱蕪諧  
謔登臨任送迎劉孟文頻絕倒仲穎故沈冥鄭思苦心  
應嘔眠遲眼屢瞠劉吟教劉楚啞聯到趙壩醒鄭月冷  
茶烹栗霜寒瓜剖瓊劉風從鐘後息泉共醉時聽鄭磨



石須題姓劉臨池欲寫經鄭繼膏愁道士授簡愧諸生  
劉林鳥寒初定岩扉夜不扃鄭拼欄高瑟瑟黃竹亂琤  
琤劉天地真寥沕朋遊此合并鄭百年成過鳥一夕感  
浮萍劉野迥參初轉鄭庭空露向零劉長吟倚空閣吾  
欲訪蓬瀛鄭

露坐南城石橋與鄭同夫羅孟文聯句

雲遞月微明羅月澄露初泣劉川容淡水物荷氣淞階  
蘇鄭更深喧漸息慮滌情自遣劉宿鳥寒不飛羅流星

下邳嶽鄭

湖亭午宴與曠伯達歐陽銘蕭曙聯句三十韻

林館衆綠淨微風濯煩歎曠眷言集羣彥清讌永崇朝

歐禮尚匏樽儉懽逾錦瑟調蕭初筵陳旅語雅韻接仙

韶磊落高懷瀉疎狂逸興飄劉炙鮮香溢鼎注玉色翻

瓢曠斟酌煩童豎歌呼狎友僚歐楊梅紅欲滴山韭翠

初挑蕭坐倦輕絺解吟酣小扇搖劉雲窓塵不到雪梳

暑全消曠憩渚仙禽迥穿簷海燕嬌飛飛渾不定歐矯

矯詎能招蕭慈竹秋陰近宮槐暮色遙劉居便人事簡  
貧愛客情饒閉戶仍投轄攜壺更解貂曠習池寧足戀  
謝墅故難邀歐自撫便便腹誰呼嫋嫋腰蕭青雲期放  
曠白髮任飄蕭劉楚也泥途迹銘乎玉雪標曠那能終  
隱逸端可上雲霄歐萍梗嗟良會蓬蒿托聖朝蕭赤心  
元皎潔丹禁自容堯劉伏劒青蒲切趨班玉筍超曠雞  
鳴天闕道龍躍海門潮歐結駟陪官署聯鑣出使輶蕭  
北遊尚塵土幽事且漁樵劉勝會寧辭數狂歌故不驕

曠杯行湏泛泛瓶罄莫寥寥  
歐蘇圍連花塢徐亭帶柳  
橋蕭它年留雅韻應得繼風謡  
劉

湖上聯句

次公不解飲越石最能詩  
讓短句從誰賦空觴祇自持  
楚晴雲低過雨斜日上高枝  
劉近寺鐘聲起歸鞍未可  
期蕭

湖上聯句同常允讓黃肅伍理

疎雨湖邊過讓涼風柳下來  
肅隔堤漁網出  
理別浦酒

船回楚遠樹來江闊讓殘雲帶暝開理層臺歌吹發猶  
恐暮鐘催楚

池上聯句

池館月初上幽人時獨行楚焉知竹林下有此木屐聲  
霜

白雲軒聯句有序

至正丁酉夏五月二十有二日大梁常允讓盱江  
黃肅邀余訪伍理於東湖之上時暑雨初霽綠陰

正繁坐白雲軒中酌酒論文情興洽甚允讓嘆時  
事之方殷感朋遊之不偶乃相屬聯句得十二韻  
宛轉成篇音韻諧適仍命曾沂就景為圖圖成錄  
詩其上非敢以誇時彥於方來亦將以識嘉會於  
斯日也

瀟洒青雲彥幽居隔柳樊常湖陰通曲徑苔色上高垣  
簾捲南薰入窓含夏蔭繁劉脫巾投玉塵移席倒匏樽  
黃涼雨荷香度晴雲樹色屯芙蓉交翠葉伍薜荔引芳

根常雪鬢烏絲細霜毫玉筯完劉籠鵝從換帖愛鶴敢  
乘軒黃休日欣良覲高懷得細論伍堆盤朱實潤溢砌  
紫蘭翻屬坐儀如鳳揮觚健勝猿常雄文三峽水壯志  
九溟鵬劉酒暈開愁頗茶香醒滯魂黃風塵江海暗戎  
馬道途喧杜子無家久張君有舌存丹心依魏闕伍清  
夢繞天閭寥落悲時事飄零愧弟昆常盍簪萍梗日曳  
履縉紳門劉句壓彌明鼎宴同桃李園黃銀屏酣坐穩  
鸚鵡可鯨吞伍

晚涼同常伯敬黃子邕過楊伯謙湖上書舍值  
伯謙出未歸子邕買酒小酌聯句

酌酒湖陰晚  
劉移床竹逕涼  
黃高荷凌水碧  
常幽草入林香  
劉問字過從數  
常聯詩嘆語長  
黃却懷楊憲史  
騎馬出東坊  
劉

同禮部主事張孟兼國錄蕭子所焚香夜坐同  
賦線香聯句二十韻

齋居澹心情  
分火試香縷  
張纖纖五綵纏  
烟烟衆星吐



劉初聞疑襲芳細辨湏按譜張千條揉金枝百和雜瓊

乳劉本非龍涎收豈與雞舌伍張烟聯玉繩直霧裊金

莖古劉月斜忽逶迤風度自飄舞張氤氲起絲髮宛轉

散毛羽劉眩眸訝窺管拂鼻欲停塵張麝臍遠近發狼

燧高下舉劉繰車不可收著草遠堪取張焰含怪鎗爇

燼過惜糾組劉焦頭恍莫救燃指粲可數張蕭莖引初

煇艾剗消微炷劉袖攜憶朝回地落驚夜午張蘭膏既

異資庭燎亦殊炬劉噙長搜韻險坐久攪懷苦張雲冷

博山空劉城樓已三鼓蕭

玉兔泉有引

洪武五年秋九月十又五日日入酉余與仲子璵  
過張錄事孟兼於成均秉燭對坐孟兼方命侍史  
汲玉兔泉瀹茗俄熊參軍鼎劉職方崧周虞部子  
諒皆集相與談詩至愜心處輒抵掌笑譁呂太常  
仲善聞之亦驩然來會既啜茗已孟兼出新造玉  
兔泉銘諷之且曰今夕何夕勝友如雲不可無以

為娛請舉泉聯詩何如眾皆曰然余年有一日之  
長俾題其首句餘則以次而續闢險據勝關關弗  
能休至二鼓詩成各擁枕就榻逮雞再號風雨淒  
迷載途官事有程皆不告而去余亦騎驢去朝天  
矣明日孟兼將屬璣作小楷繫詩於銘左徵子為  
之引於戲人事聚散如風中飛花其迴旋飄泊曷  
嘗有一定之迹今幸得與二三君子岸幘詠詩輟  
然而一笑豈非天哉然此七人之中楚產者大半

獨余父子與孟兼居越西相距僅半舍它時或抽  
先後簪而歸支九節筇訪孟兼白石山房遡咏諸  
賢立霄漢上欲一見不可得取此卷閱之恍如聚  
首成均時寧不有憫於寂寥之鄉耶孟兼子諒仲  
善皆以字名熊君字伯穎劉君字子高余則南都  
散吏金華宋景濂也

成均地何靈聖澤資灌沃濂兔奔兆奇徵井渫發新斲  
鼎自非三窟深孰湛一泓綠兼孟儲精本從金生色絕勝

玉子霜唇蘸寒飲雪毳翻夜浴崧釀列補酒經沐丹驗

仙籙善仲杵舂蟾宮棄珠噴鱸堂觸璉朶月生陰津觀天

漏晴旭灑水澄毛骨豎鑑徹須眉燭鼎子貌名徒自奇檜

行穢難贖兼孟雖涵東郭狡難洗上蔡辱子引滿瓶未羸

探幽綆頻續崧流鬣滲銀床出竇濺瓊粟善仲醉沃日暈

花凍吸指連瘡璉濡毫乃自潤照影從人欲灑光沈天

上魄祥啓地中躅鼎擣辭挹餘清盥薦侑佳告子劒刺

非貳師池移豈身毒兼孟燕支愧淫陳鹽鹵鄙富蜀崧不

動疑雪窪長搖笑風蕭

善仲

天光一眼開雲影片鱗束

璫

劇燕覺瘳瘳足想

子

威沸虎爪跑麋吸猿臂曲

鼎潔士濯冠纓渴卒卸刀韜

子

精當卯君降液或井宿

督

孟

誰知鍾阜分脈與伊洛屬

崧

錫名爾固佳戰句吾

何局

善仲

聯將指鼎比疾勝擊鉢促

璫

驚風落燈燼斜月

墜檐曲

灋

靈源詎能窮短詠聊可錄

鼎

北園池上聯句

池上月涼秋侶洗

遠城頭漏轉夜如年

佑

枳林不動風

初定謔草葉低垂露正圓楚移席偶臨流水坐達釣簾

還對落星眠佑幾時吹笛芙蓉底更向龍灣棹酒船楚

聞黃子邕數日出飲不歸因與劉鼎子鉉張智

子明聯句戲柬之併寄楊憲史伯謙

三日不見黃子邕使我茆塞于心胸鼎書床虛連竹色

淨酒尊間覆柳陰濃楚每於月下重相憶何事湖邊獨

不逢智急欲移書楊憲史山房須遣白雲封楚

南園聯句同王佑曠達劉霖蕭謔

絡緯聲如勸飲

佑

簾簾青好題詩遠風轉銀燈不動

楚

月來瑶席頻移

謹

草色亭西晚還


佑

水聲籬外秋池

霖

此夕龍灣佳會南樓千載襟期

楚



槎翁詩集卷八